

1. UVOD

Rad se bavi tematikom ratnih zločina protiv civilnog stanovništva, dajući prvenstveno odgovor na pitanje šta uopšte predstavlja pojam civilnog stanovništva u krivično pravnoj teoriji i na koji način su konfigurisani elementi ovog krivičnog djela koji predstavljaju ratne zločine prema ovoj populaciji tj. iz čega se samo djelo sastoji. Da bi se pružio valjan odgovor na ovo pitanje razmatrana je i sama potreba uvođenja i regulisanja ove materije kroz istorijske činjenice i dešavanja kao i pogled na ratne zločine protiv civilnog stanovništva s aspekta međunarodnog humanitarnog prava.

Drugi dio rada se odnosi na vidjenje ratnih zločina protiv civilnog stanovništva sa stanovišta međunarodnog zakonodavstva. Pa tako možemo vidjeti kako se tretira ova materija počevši od Pravila i običaja ratovanja, Haške konvencije iz 1907. godine, preko Statuta Međunarodnog vojnog suda i Ženevskih konvencija iz 1949. godine sa pitanjem komandne odgovornosti, pa sve do Rimskog statuta, kao najvažnijih međunarodnih dokumenata koji su oblikovali same elemente ovog krivičnog djela i postavili temelje kada je riječ o ratnim zločinima protiv civilnog stanovništva, pruživši civilima pravnu zaštitu.

Treći dio rada je posvećen razmatranju naslovne teme u krivičnom zakonodavstvu Bosne i Hercegovine u pozitivno pravnom pogledu, a sadrži odgovore na pitanja na koji način je i kako ovo pitanje riješeno u Bosni i Hercegovini s aspekta definisanja, određivanja elemenata ovog krivičnog djela, težih oblika kao i samog kažnjavanja.

Četvrti dio rada zalazi na teren uporednog krivičnog zakonodavstva, pružajući informacije o načinu regulisanja ratnih zločina protiv civilnog stanovništva na prostoru zemalja bivše Jugoslavije, što je posebno interesantno obzirom na zajedničku prošlost Bosne i Hercegovine s ovim zemljama, kao i na aktuelnu političku situaciju koja vlada u Srbiji, Hrvatskoj, Sloveniji i Makedoniji, a koja je neminovno uticala na oblikovanje krivičnog zakonodavstva.

Možda i najinteresantniji, posljednji dio rada se odnosi na ratne zločine protiv civilnog